摘藻堂四庫全

書薈

要 经 部

欽定四庫全書管要 學易記卷二

詳校官祭酒臣幸誠恒

欽定四庫全書管要卷三百三十六經部 學易記上經卷二 生比乾坤所以合而成否泰也往極不得不返威極 南軒日有天地則升降之理生有升降則通塞之 **松則萬物生成故為通泰** 日坤陰在上乾陽居下天地陰陽之氣相交而 李簡 撰

九色日年 上等

不得不衰剛柔相生有无相禪此泰終所以必覆否

學易記上徑

億其,精神未幾而贏病暴至此非反泰爲否乎至於 非然也在天有否泰之理在聖人有處否泰之道蓋 輔之以藥餌以却病而引年此豈非草否而爲泰乎 血氣衰竭之際能時其飲食節其勞逸養之以梁內 道也有人於此當血氣壯健之時而虐用其四體耗 終所以必傾也然則否泰固有自然之數非人謀所 及而聖人於此亦將退聽无為而任其適来也數曰 身血氣盛衰否泰之理也等養有方處否泰之

交而其志同也内陽而外陰内健而外順内君子而外 **彖曰泰小往大來吉亨則是天地交而萬物通也上 東記日東私書 三** 地之泰也以人事言之大則君上小則臣下君推 小往大來吉亨 伊川曰小謂陰大謂陽往往之於外也來來居於内 君子道長小人道消也 陽氣下降陰氣上交也陰陽和暢則萬物生遂天 學易記上經

審如是則人力有時而勝天矣

為君子陰為小人君子來處於內小人往處於外是 君子得位小人在下天下之泰也泰之道吉而且亨 龜山曰往自内出也來自外至也陽大而陰小小者 也乾健在內坤順在外為內健而外順君子之道也 子之道長也 泰也既取陰陽交和又取君子道長陰陽交和乃君 君子在内小人在外是君子道長小人道消所以為

以任下臣盡誠以事君上下之志通朝廷之泰也陽

たこり自 此矣 卦之才言也内君子而外小人君子道長小人道消 莪君子小人進退之象也小人在内 而能進君子者 未往則陰爲内主陽无自而至故小往而後大來否 未之有也内陽而外陰以二體言也内健而外順以 後有以御其時三者備則泰之為泰而吉亨義盡於 反泰者也故大往而後小來亦若是而已此陰陽之 以卦之時言也有其體而後有以成其才有其才而 Zr duo 學易記上經 Ξ

用之御之以君子且化之爲君子乎曰易曰内君子 誠齊曰泰之時天地交而萬物通天地之極治也上 致泰之道乎或曰小人有才可終廢乎獨不可參而 也聖人何道而臻此一言以蔽之曰進君子退小人 於天地明至於人物无不泰而通馬孰為此者聖人 下交而其志同天下人物之極治也極治之功幽至 而外小人又曰小人勿用必亂那也聖人之言如是 已消長在彼内之外之在此大哉泰之治乎要哉

金厉四

左右民 象曰天地交泰后以財成天地之道輔相天地之宜以 而止耳 成天地之道輔相天地之宜如何曰天地之道不能 地之冝以左右生民也財制也相助也李嘉仲問裁 伊川曰天地交而陰陽和則萬物茂遂所以泰也 自成須聖人裁成輔相之如歲有四時聖人春則教 君當體天地通泰之象而以財成天地之道輔相 學易記上經

晦菴曰財成以制其過輔相以補其不及 設官以治之周公師保萬民與此卦言左右民皆是 之否則君子退而窮處時將泰則志在上進也君子 九拔茅茹以其景征古象曰拔茅征吉志在外也 也後世未嘗教民任其自生自育只治其關而已 左右民如何曰古之盛時未當不教民故立之君 民播種秋則教民收穫及教民鋤耘灌溉是也又問 川曰初以陽爻居下是有剛明之才而在下者時

釒

得尚于中行以光大也 **欠配日年本書** 九二包荒用馮河不遐遺朋亡得尚于中行象曰包荒 連而起矣如根之相牽連者故以為象景類也賢者 同也 之進必與其朋類相牽援如茅之根然拔其一則牽 誠齊曰君子之志在天下不在一身故曰志在外 白雲日堯用舜而野无遺賢者其拔茅茹之謂乎 以其類進同志以行其道是以吉也三陽之志欲進 學易記上經 五

此云用馮河則是奮發改革似相反也不知以含弘 應於二君臣同德是以剛中之才為上所專任故二 者自来而无幽遯之志小者自往而无干進之心善 之量施剛果之用乃聖賢之為也不遐遺朋亡謂大 果足以濟深越險也或疑上云色荒則是包含寬容 荒謂有包含荒穢之量用馮河謂有馮河之勇其剛 雖居臣位主治泰者也所謂上下交而其志同也包 伊川曰二以陽剛得中上應於五五以柔順得中下

福象曰无往不復天地際也 九三无平不改无往不復報貞无咎勿恤其字于食有 皇極大中之道則象以九二為光大不亦宜乎其德 惡各安其分而天下之朋比亡矣尚之為言配合也 否泰之道如循環終則有始三居泰之中在諸陽之 有容其道至公可謂光明盛大矣其伊 如西漢以列侯尚主之尚中行者六五為中以行願 之君也洪範以凡厥庶民无有淫朋人无有比德寫 学易巴上至 -

常保其表不勞憂恤其改復之理謂必然循環而莫 當復也平而陂往而復泰而否理之常也當知天理 之改也故曰勿恤其孚如是則於其禄食當有福益 即持盈之道也故得无咎處泰之道既能數貞則可 平而不險陂者謂无常泰也无常往而不返者謂陰 不豫為之戒乎城復于隍則无及矣戒之曰无常安 上泰之盛也然處下卦之終而當天地相交之際可 方泰之時不敢安逸常艱危其思慮正固其施爲此

定匹庫在書

實也不成以手中心願也 六四翩翩不富以其鄰不戒以孚象曰翩翩不富皆失 陰氣上升陽氣下降乃天地之交泰也上以謙虚接 善處泰者其福可長也故關子明曰天人有交勝之 理治亂有可易之道大哉人謀其與天地終始乎集 上三爻皆以謙虚接乎下四當二卦之交故發此義 君臣交泰則天下泰矣故下三爻皆以剛直事其上 乎下下以剛直事乎上上下相孚乃君臣之灾泰也 學易記上經

六五帝乙歸妹以社元吉象曰以社元吉中以行願也 定匹 存在 建 言失實是皆不以富貴騙人而有虛中无我之意也 乎中心之誠不待人之戒告而後能也文言不富象 其道上三爻其虚中无我翩然而来接下之道皆出 凡居人上而虚中接下者苟出於勉強則皆不能盡 鄰類也謂五與上也故四五皆稱行願在下卦之初 上下交而其志同也 則明以暈交於上在上卦之初則明以鄰交於下蓋

取包日車全書 之賢所聽從者皆其志願也非其所欲能從之乎 其以中道合而行其志願也有中德所以能任剛中 者也謂成治泰之功也所以能獲祉福且元吉者由 禮法使降其尊貴以順從其夫也元吉大吉而盡善 稱帝乙者未知誰是以爻義觀之帝乙制王姬下嫁 之禮法者也自古帝女雖皆下嫁至帝乙然後制為 伊川曰史謂湯為天乙厥後有帝祖乙亦賢王也後 又有帝乙多士曰自成湯至於帝乙罔不明德恤祀 學易記上徑

一六城復于隍勿用師自邑告命貞各象曰城復于隍 諫之聖也以祉元吉中以行願者君任其臣以致泰 誠齊曰王姬之貴不有其貴而貴其夫君人之尊不 明予惟克邁乃訓爾交修予罔予弃髙宗所以為從 剛中之臣也言莫予違者主之蔽從諫如流者君之 居其尊而尊其賢此六五以柔中之君而下從九二 之治則泰之福溥乎天下君之願欲孰大於是

飲定四車全書 變革之際上下之情否塞不通其能用衆乎用衆適 出其命可謂亂矣此產小擅命之象也產小擅命豈 足以速禍矣髙貴鄉公是也自邑告命謂命自小者 於九三著先樂製貞之戒上六以陰柔之資當時運 將反於否如城土頹地復反于隍也泰極則否城復 掘隍土積累以成城如治道積累以成泰及泰之終 于隍雖曰天運亦在上者持盈之道有所未盡也故 朝一夕之故哉漢唐之君其權或在臣下或在閹 學易記上經

否之匪人不利君子貞大往小來 白雲曰否閉也塞也天地閉塞而不通人道何從而 伊川日天地相交陰陽和暢則為泰天處上地處下 伊川曰君子正道否塞不行也 天地隔絕不相交通所以為否也

羞各況未必正于人君處泰可不敬哉集伊川横

竪或在庫盗旨亂命也上之人所處雖正亦不免

录曰否之匪人不利君子貞大往小來則是天地不交 内柔而外剛内小人而外君于小人道長君子道消也 而萬物不通也上下不交而天下无邦也內陰而外 伊川日夫天地之氣不交則萬物无生成之理上下 道也不利君子貞此危行言遜之時也 上下不交則人倫道絕謂之无邦可也匪人猶曰无 道是也天下所以為那者以有君臣父子人倫之道 1. 15 學易記上經

立乎故否之時非人道也人道配天地而言聖人之

廣平口比之匪人言所比非其人也否之匪人言致 子道消之時也 剛在外君子往居於外小人来處於内小人道長君 也今上下不交是天下无邦國之道也陰柔在內陽 之義不交則天下无邦國之道建邦國所以為治也 叨懫姦回萃於朝此所以致否也羣小在上而衆邪 上施政以治民民戴君而從命上下相交所以治安 否之因也君臣上下在朝者非其人則将引天下之

金房四月在注

卷二

道上下合志而天下之情通此國家之所以立也如 甚馬君醫臣的若此不已國无類矣夫君剛而醫愎 觀衛所謂君不君臣不臣者也不察事之是非而說 衛侯言計非是羣臣和者如出一口子思子曰以予 則无家矣无邦者其道亡也 人赞已闇莫甚馬不度理之所在而阿諛求容諂莫 君不君臣不臣則天下无邦矣猶之父不父子不子 學易己上亞

逞故不利君子貞蓋唯君子在朝然後君臣各得其

象曰天地不交否君子以儉德辟難不可崇以禄 類也天下无邦正釋匪人之義 故直曰不可 白雲曰以无難言之邦无道穀為恥況有難之時乎 避免禍難不可祭居禄位也否者小人得志之時君 臣柔而諂佞上下之情否塞而不通无復人道即无 子居顯榮之地禍患必及其身故宜晦處窮約也 伊川曰天地不相交通否塞之時君子以儉損之德

欽定匹庫全書

初六拔茅茹以其曇貞吉亨象曰拔茅貞吉志在君也 六能與其類負固其節則處否之吉而其道亨也文 也以共道方否不可進故安之耳心固未嘗不在天 上皆有應在否隔之時隔絕不相通也故无應義初 取義變動无常也否之時在下者君子也否之三陰 伊川曰卦以内為小人而交以初為君子所謂随時 子之心君子固守其節以處下者非樂於不進獨善 以六自守於下明君子處否之道象復推明以盡君 学易記上經

下也其志常在得君而進以康濟天下故曰志在君 難豈忘君哉如伊尹樂堯舜之道其爱君至矣君臣 其君盖泰言志在外否言志在君之意也 兼山曰先大夫有言居廟堂則憂其民處江湖則憂 拔茅乃牽連進出之意而否之初亦云拔茅者何曰 之義如之何其廢之故荷條之徒聖人无取馬或曰 白雲曰亨如顏子之樂是也志在君者君子偷德辟

六二包承小人古大人否亨象曰大人否亨不亂厚也 時否矣小人道長故君子引類而處處則進於道也 時泰矣君子道長故正人引類而出出則進於位也 豈肯枉已屈道承順於上唯自守其否而已身之否 其否為身之利小人之吉也大人當否則以道自處 伊川曰六二其質則陰柔其居則中正以陰柔小人 乃其道之亨也或曰上下不交何所承乎曰正則否 而言則方否於下志所包畜者在承順乎上以求濟 學易記上經

節不雜亂於小人之犀類身雖否而道之亨也故曰 矣小人順上之心未曾无也大人於否之時守其正 能如是則其道大也 者全身遠害當如是也雖袒楊裸程於我側爾馬能 之象二不包初則小人畜忽而陷我矣不承三則小 廣平曰否之六二下垂初六上承六三二陰皆小人 否亨不以道而身亨乃道否也不云君子而云大人 人依勢而藉我矣故曰包承小人吉此言居中守正 卷二 钦定四庫全書 六三包羞象曰包羞位不當也 廣平曰六三在下體之上位浸顯矣而當否之世不 能去又以陰柔處之是可羞也世之寫廉鮮恥的賤 唯以資質陰柔不能行其所知至於忍恥而冒處故 浼我哉乃不亂 **奉之義也** 謂之包羞 之士處顯位以播惡於衆而不自知其醜者多矣六 三與中正剛明者為鄉則見聞所漸亦知其可羞矣 學易記上經 古四

九四有命无咎疇離社象曰有命无咎志行也 行其志矣 誠齊曰九四以陽剛之臣受九五大君之命以此清 羣小而濟否世豈惟无咎又且 轉類皆蒙福馬可以 佐往往有列土之封則有命无咎疇離祉信矣九四 雷氏日郭子儀當閱豎猜開嫉如之際屢即師而出 在否之時居近君之位剛而不中故有違命之戒 凡聞召命即日就道是以護間不行終享安禁其将

史 足 日 車 全 書 九五休否大人吉其亡其亡繋于苞桑象曰大人之吉 位正當也 安肆當深慮遠戒常虞否之復来曰其亡矣其亡矣 擊于包桑謂為安固之道如維繫于包桑也桑之為 物其根深固苞謂叢生者其固尤甚聖人之戒深矣 聖人之位謂之大寶否既休息漸將反泰不可便為 伊川曰有大人之德而得至尊之正位故能休息天 下之否是以吉也无其位則雖有其道將何為乎故 學易記上經

上九傾否先否後喜象曰否然則傾何可長也 後能也故否之上九則能傾否屯之上六則不能變 長否之理然反危為安易亂為治必有陽剛之才而 也後傾喜也否傾則泰矣後喜也否終則必傾豈有 白雲曰志行於四否体於五上九之傾宜矣淌而傾 伊川曰上九否既極矣故否道傾覆而變也先極否

覆自然之理也

大MOLT LAS 同人于野亨利涉大川利君子貞 伊川曰夫同人者以天下大同之道則聖賢大公之 計固有一陰者在同人之時而二五相應故其義大 之主二為離之主二爻以中正相應上下相同同人 心也常人之同者以其私意所合乃睢比之情耳故 之義也又卦唯一陰衆陽所欲同亦同人之義也他 伊川曰為卦乾上離下以二體言之五居正位為乾 學易記上經 十六

彖曰同人柔得位得中而應乎乾曰同人同人曰同人 于野亨利沙大川乾行也文明以健中正而應君子正 者則為阿賞盖其心不正也故同人之道利在君子 私意所比者雖非亦同所惡者雖是亦異故其所同 可濟何艱危之不可亨故利涉大川小人則唯用其 天下大同是天下皆同之也天下皆同何險阻之不 必于野野謂曠遠之地无遠不同也其亨可知能與 で 引 日 日 日 日 **險難者乾之行也无私天德也又以二體言其義有** 也天下之志萬殊理則一也君子明理故能通天下 文明之德而剛健以中正之道相應乃君子之正道 正應之各得其正其德同也故為同人五乾之主故 正應之得中而應乎乾也五剛健中正二以柔順中 伊川曰二以陰居陰得其正位也五中正而二以中 云應乎乾同人曰此三字疑衍文至誠无私可以蹈 學易記上經 ナセー

也唯君子為能通天下之志

之志聖人視憶兆之心猶一心者通於理而已文明 方其遇難之時至誠相與纖偽不萌故皆不約而自 遇難共濟則胡越為手足爭利不休則父子為仇讎 所以發之於中者則同然而不同者私欲敬之耳夫 方之民雖異世而受東上帝者則同惻隱羞惡之端 南軒曰天下之志紛然不齊君子奚爲而通之夫四 大同之道然後能中正合乎乾行也 則能燭理故能明大同之義剛健則能克已故能盡

象曰天與火同人君子以類族辨物 敵非以私欲之心報其所素同者哉聖人擴至誠大 伊川曰天在上火性炎上天與火同故為同人之義 君子觀同人之象以類族辨物各以其類辨物之同 事理之異同凡同異者君子能辨别明之故處物不 異也若君子小人之黨善惡是非之理物情之離合 公之道包覆天下是以无往而不同

またっといって

同及一毫之利撓其欲心則提然而起彼我分而為

飲定四庫全書 六二同人于宗各象曰同人于宗各道也 初九同人于門无咎象曰出門同人又誰咎也 皆同故曰同人于門也出門同人則无厚薄親疎之 注曰九居同人之始而无應於上心无私係則出門 失其方也 異何過各之有哉 私雖應君猶為可各之道也 與五為正應故曰同人于宗宗謂宗主也相同以

剛也三歲不與安行也 九三伏戎于莽升其高陵三歲不與象曰伏戎于莽敵 然二以中正之道與五相應三以剛強居二五之間 陵以顧望如此至三歲之久終不敢與此爻深見小 戎于林莽之中懷惡而內負不直故又畏懼時升高 **殺奪而同之然理不直義不勝故不敢顯發伏藏兵** 人之情狀所敵者五既剛且正其可奪乎故畏憚伏 伊川曰卦唯一陰諸陽之志皆欲同之三又與之比 學易記上經

新庆四月全末 安行者安而行之也小人安於為不善故至三歲之 藏也至于三歲不與然安能行乎 廣平曰三在下體之上有高陵之象 遂弗攻是能改過而遷善者也其吉宜矣然九三不 惡而無遷善之心者也若夫九四度其義之不克而 久而不興也與者與起而遷於善也孟子所謂待文 **巨凶者盖其,凶不待言而後見也** 王而興者是也九三以剛居剛是凶人之頑安於為

困而反則也 九四垂其埔弗克攻吉象曰垂其埔義弗克也其吉則 C 20 1 2 2 2 2 2 2 **悖且来墉之逼過於伏戎于莽之遠也弗克之攻過** 於二也三四居二五之間故有爭奪之象亦以見君 夫三可攻者也弗克攻反非吉也謂攻五者其理尤 其塘而欲攻五或謂欲攻三不克而困反於則乃吉 子志於大同而小人私於同已者也說者謂九四乗 白雲曰同人之時以一陰欲同衆陽而衆陽亦欲同 學易記上經 产

升堂入室皆親近之意非必真垂其墉而攻之也然 吉也不然一乗其墉終身无可吉之道故知乗墉如 之遠不能攻也弗克攻者言其勢可攻而不攻也勢 伊周示大信於天下萬世必无乗墉弗攻之議 何吉之有而曰弗克攻吉何哉蓋九四近君之地聖 可攻而不攻知君臣之大分也知君臣之大分是以 人言其地近易攻如在其墉間勢可攻也非若于莽

釒

於升高陵之不與也君臣大分一有犯馬因而反則

ر د د 五同人先號咷而後笑大師克相遇象曰同人之先 行而不能反四以剛居柔故有困而反則之義張中 知險是以過惡杀形能止而弗攻也若肆其貪欲 不顧義理妄行攻奪則凶其犬矣三以剛 四雖不中正以其乾體故知險履離故有明明 川日九五同於二而為三四二陽所隔五自以義 白田猶田心衡慮之 į 也大師相遇言相克也 1. 1. Ę 學易記上經 困 千二 居剛故安

爻云大師克象云言相克者以見二爻之強如敵國 隔終必得合故後笑也大師克相遇五與二正應而 各況人君平 而獨私一人非君道也又先隔則號明後遇則笑是 私雖之情非大同之體也二之在下尚以同於宗為 二陽非理隔奪必用大師克勝之乃得相遇也云大 云克者見二陽之強也九五君位當與天下大同

金

定匹人不言 夏

直理勝故不勝憤抑至於號明然邪不勝正雖爲所

TO SO DO NOT NOT A SO THE PARTY OF THE PARTY 上九同人于郊无悔象白同人于郊志未得也 案爾雅邑外謂之郊郊外謂之牧牧外謂之野至于 動故也 龜山曰同人于野亨上九同人于郊止于无悔而已 則静而不通乎物也故无悔而已以吉凶悔吝生平 亨上九居卦之外而无應不同乎人人亦无同之 何也蓋以一卦之義言之則于野无睢比之私馬故 學易記上經 辛二

然也

盆 野則曠遠无閒矣同人于野是舍已從人大同於天 其告子路之言曰與其從避人之士也豈若從避 過之心為悔无改過之心為各故曰震无咎者存 得乎故象曰志未得也此爻无悔與他卦不同有 於天下者也故曰同人于郊不能同人而欲人同 於有事之地静而不通於物是不能无遠不同大 下无遠不同盡同人之道者也上九處一卦之外 (梅者是終无悔心者也其沮溺荷條之

歸也上下應之為大有之義大有盛大豐有也 伊川曰為卦一柔居尊衆陽並應居尊執柔物之所 離乾上下 士哉其志亦欲人而同於已乎

大有元亨

也有因其卦義而有訓戒者如師貞丈人吉同人于 伊川曰凡卦德有卦名自有其義者如比吉謙亨是

九足日東公告 夏

野事是也有以其卦才而言者大有元事是也由剛

學易記上經

貞則柔皆釋為大字恐疑與乾坤同也不兼利貞則 善大之意大有盡升鼎是也升之彖伊川謂誤隨他 言无亨者皆六居五九居二彖皆釋為元亨以元有 事蓋不能與乾坤同也屯隨臨无妄華是也凡卦辭 釋為元事盡元義也元有大與善二義故也 健文明應天時行故能元亨也又曰諸卦具元亨利 凡卦言元亨利貞者皆二五陰陽相應彖皆釋為大

健而文明應乎天而時行是以元亨 **录曰大有柔得尊位大中而上下應之曰大有其德剛** 德如此是以元亨也 所歸也而又有虚中文明之德故上下同志應之所 道也為諸陽所尊上下應之也夫居尊執柔固衆之 伊川日五以陰居君位柔得尊位也處中得大中之 以為大有也卦之德內剛健而外文明能順應乎二 一乾之主也是應乎乾也順應乾行順乎天時也其

たこり

And only of the

學易記上經

云

象曰火在天上大有君子以遏惡揚善順天休命 善惡之殊君子事大有之威當代天工治養庶類治 得中日應乎乾而為同人我同乎彼之辭也柔在上 應乎天而時行謂明乎天德順時而行也 伊川日火在天上照見萬物之衆多萬物衆多則有 者曰尊位曰大中曰上下應而為大有我有其大之

誠齊日同人大有一柔五剛均柔在下者曰得位日

初九无交害匪咎艱則无咎象曰大有初九无交害也 文定四庫全書 單氏日虞翻日遏絕也揚舉也風曰天道福善禍淫 順天命而安孝生也 泉之道在遏絕衆惡揚明善類而已惡懲善勸所以 明爲主故爾 故遏惡揚善所以順天休命也 白雲曰離之為象在天為日之明在地為火之明在 人為德之明天下之動畫行夜伏者无他馬其動以 學易記上經

九二大車以載有攸往无咎象曰大車以載積中不敗 害以子貢之賢未能盡免況其下者乎匪咎艱則无 騎盈之失故无交害未涉於害也大凡富有鮮不有 富有而知難處則自无咎也在大有之初克念艱難 咎言富有本匪有咎也人因富有自為咎耳若能**事** 伊川曰九居大有之初未至於盛處平无應與未有 則驕溢之心无由生矣所以不交涉於害也

九三公用亨于天子小人弗克象曰公用亨于天子小 誠齊日解聘受聘事夏事商相成湯相太甲有往必 正者初非二伊尹出征入輔作都制禮相武王相成 无损败也故曰有攸往无咎 以能勝大有之任如壯大之車重載積於中致遠而 |有往必集者亦非兩周公 學易記上經 テナ

伊川曰九以陽剛居二為六五之君所倚任剛健

才勝居柔則謙順得中則无過其積於中者如此所

人害也 鉝 定匹库在書 威必用亨通子天子謂以其有為天子之有也乃人 此理之正也故三當大有之時居諸侯之位有其當 天子天子居天下之尊率土之演莫非王臣在下者 養其眾以為王之屏翰豐殖其財以待上之徵賦若 臣之常義也自古諸侯能守臣節忠順奉上者則著 何敢專其有凡土地之富人民之眾皆王者之有也 伊川曰三居下體之上諸侯君公之象也公侯上承 卷二

九四匪其彭无咎象曰匪其彭无咎明辨哲也 東見日三人子 · 為害又大有為小人之害也 民衆財豐則反擅其當強益為不順是小人大有則 之將至故能損抑不敢至於消極也 也哲明智也賢智之人明辨物理當其方盛則知咎 凶咎能謙損不處其盛而得无咎也蓋有明辨之智 伊川日彭盛多之貌四近君之髙位苟處大盛則致 小人處之則不知為臣奉上之道以其有為已之私 學易記上經 二十七

如之吉易而无備也 六五厥孚交如威如吉象曰厥孚交如信以發志也威 漢上曰子夏傳讀作旁盛淌貌 交故曰厥孚交如象云信以發志者由上之孚信以 六五當大有之時居君位虚中為孚信之象上以孚 誠齊日九四離之初故明哲以陽處陰故匪其彭 發其下孚信之志也文云威如吉者謂當嚴君臣之 信接於下則下亦盡其誠信以事於上上下孚信相

上九自天祐之吉无不利象曰大有上吉自天祐也 臣之分或有所未明也孔子恐後世人主觀威如吉 久之道也雷氏革說 乃平易而无備也平易而无備即擊辭所謂有親可 之言以作威殺戮逆詐設備為吉故釋云威如之吉 分也蓋六五柔中之君不患其孚信之不志患其君 不居其有者也處離之上明之極也唯至明所以不 伊川日上九在卦之終居无位之地是大有之極而 學易記上徑

責天人交助之宜其古无不利也自天云者理之必 廣平日六五有志信之德而上履之故有履信之義 自不居其成功蓋用此道也又以尚賢者體信順以 至非有求而得也伊尹将告歸旁求後又啓迪後人 之故有尚賢之義能如是則无天災物累无人非鬼 之義上九為明之極而自處无位之地推衆陽而進 五為大君而上九與衆陽同體而應之故有思乎順 居其有不至於過極也 卷一

新定匹庫全書

火モョ 謙亨君子有終 處已而又以尚賢也自天祐之謂自天以下皆助之 也履信思乎順又以尚賢也 也故曰祐者助也天之所助者順也人之所助者信 伊川曰有其德而不居謂之謙人以謙巽自處何往 下謙之象也以崇高之德而處果下謙之義也 川日坤上艮下地中有山也山高大之物而居地 車入言 學易記上經 二十九

而益謙地道變盈而流謙思神害盈而福謙人道惡盈 好謙謙尊而光早而不可踰君子之終也 固守不能有終也 伊川日濟當為際謂下交也謙為早異而其道尊上 有欲必競有德必伐雖使勉暴於謙亦不能安行 日謙亨天道下濟而光明地道果而上行天道虧盈

之自晦而德益光顯此所謂君子有終也在小人

而不事乎君子安履乎謙終身不易自卑而人益尊

是也鬼神害福吉凶是也人之好惡得失是也以此 終之伊川日以地勢而言則盈淌者傾變而反陷 瑜君子至誠於謙恒而不變有終也故尊光 如是其道自然如此故皆曰道 居尊則益光以此居早則不可踰故惟有德君子能 白雲曰先人曰天之虧盈日月是也地之流變山河 下者流注而益增也雍曰四者非天地鬼神人有心 而光顯自處雖早屈而其德實高不可加尚是不可 世易記上徑 =

象曰地中有山謙君子以哀多益寡稱物平施 體抑高拳下損過益不及之義以施於事則哀取多 為德其至矣乎尊者謙則其道彌光卑者謙則人 思神害盈福謙猶詩云神之聽之介爾景福也謙之 温公曰君子之德誠威矣業誠大矣不謙以持之則 伊川曰山在地下是髙者下之卑者上之象也君子 **无以保其終**、 可得而踰越其道彌光不可踰越乃君子之有終也

鉝

定匹庫全書

初六謙謙君子用涉大川吉象曰謙謙君子卑以自牧 謂平也 伊川日初六以柔順處謙又居一卦之下爲自處早 近親踈各當其分所謂稱也所以施之其心一馬所 龜山曰稱物平施兹所以為仁之至義之盡也數法 者增益寡者稱物之多寡以均其施與使得其不 下之至謙而又謙也自處至謙泉所共與也雖涉險 野る己と至

六二鳴謙貞古象曰鳴謙貞古中心得也 飲定匹庫全書 為得貞正則吉者六二之貞吉所自有也二之謙德 有中正之德也故云貞吉凡貞吉有為貞且吉者有 於中故發於外見於聲音顏色故曰鳴謙居中得正 養日不長此顏子若无若虚之謙也 誠齊曰牧養也謙何俟夫養曰盈日鋤日不除謙日 難亦无患害况居平易乎何所不吉也 伊川日二以柔順居中是為謙德積於中謙德充積

Ü 九三勞謙君子有終古象曰勞謙君子萬民服也 定內庫全書 由至誠積於中所以發於聲音中心所自得也非勉 語以其功下人者也以功下人故能保有其終也萬 德者也故繫辭曰勞而不伐有功而不德厚之至也 強為之也 民服者釋所以有終也人心不服功業雖高而不能 下之上是上為君所任下為衆所從有功勞而持謙 三以陽剛之德而居下體為衆陰所宗履得正位為 學易記上經 三十二

六四无不利為謙象曰无不利為謙不違則也 其動作施為靡不利於撝謙也如是然後中於法則 從有終之吉大矣 邦而至于九功惟飲所謂勞也不自淌假而拜昌言 白雲曰唐虞之際能盡勞謙之道者其禹數克勤干 今終者多矣集伊川 伊川曰四處近君之地據勞臣之上以奉謙德之君 謂謙也至詢謀愈同思神其依則天地人鬼莫不

不服也 六五不富以其鄰利用侵伐无不利象曰利用侵伐征 是猛以濟寬之義也盖五以君位之尊而執謙順以 虚之德與臣鄰同也利用侵伐在不服而无不利 六五之君富有天下而云不富以其鄰者以六五謙 晦菴日柔而得正上而能下无不利矣然居九三之 **撝如人手之為也** 上故戒以更當為謙也為退托之意也

飲定四車全書

學易記上經

ニナニ

上六鳴謙利用行師征邑國象曰鳴謙志未得也可用 師征邑國也 安動干戈故曰征不服也悉伊 利象恐以利用侵伐之言後世人君或不省躬討罪 後盡君德之宜文恐一於謙柔故日利用侵伐无不 上六之鳴異乎六二之鳴也六二居中得正謙德方

故君道不可專尚謙柔必須威武相濟威德相濟然

接於下眾所歸也然一於謙異則小人有時而不服

飲定日事会書 鳴求應是外為謙辭而中无其實者也征色國自治 也此行有不得則反求諸已之道也集 名求其所謂尊而光不可得也故象曰志未得也故 之私也劉佚菴曰陰居亢極非能謙者居謙之時以 中者形諸外上六以陰柔居一卦之上才德不稱既 積於中故發於聲音見於顏色莫非謙也故曰有諸 可行師征邑國征邑國者自治也謂宜以剛武勝己 无其實又不能搞而不有居謙之世徒欲以足恭弔 學易記上經 二十四

111 震上 豫之義 伊川曰建侯樹屏所以共安天下諸侯和順則萬民 利建侯行師 共應也坤又承之以順是以動而上下順應故為和 象動而和順是以豫也九四為動之主上下羣陰 伊川日豫者安和說樂之義為卦震上坤下順動之 明道日豫者備豫也逸豫也事豫故逸樂其義一也

をこ

忒聖人以順動則刑罰清而民服豫之時義大矣哉 彖曰豫剛應而志行順以動豫豫順以動故天地如之 飲定四庫全書 ! 而況建侯行師乎天地以順動故日月不過而四時 龜山曰屯者建侯之時豫有建侯行師之道 道利於建侯行師也又上動而下順諸侯從王師 順令之象君萬邦聚大衆非和說不能使之服從也 温公曰逆理而動者心勞而事難故順以動則豫矣 服兵師之與衆心和說則順從而有功故說豫之 學易記上經 三五五

順動故經正而民與於善刑罰清簡而萬民服也既 復賛之云豫之時義大矣哉欲人研味其理優柔涵 言豫順之道矣然其旨味淵永言盡而意有餘也故 動所以日月之度不過差四時之行不愆忒聖人以 天後天而不違者亦順乎理而已天地之運以其順 陽志上行動而上下順從其志得行也大人所以先 伊川曰剛應謂四為羣陰所應剛得衆應也志行謂 冰而識之也諸卦之時與義用大者皆贊其大矣哉

象曰雷出地奮豫先王以作樂崇德殷薦之上帝以配 祖考 にこり 劉氏曰順以動豫言順理而動則人心悅豫盖理者 用頤大過解革言時各以其大者也 豫以下十一卦是也豫逐姤旅之時義坎联蹇之時 况於建侯行師乎所以利也 動則天地莫不從之蓋人心天理之集也天地從之 人心之所同然也豫順以動言人心和豫能順之以 5 > 3. 3. ę 學易記上經 =十六

鬱及奮發則通畅和豫故為豫也坤順震發和順積 中而發於蘇樂之象也先王作聲樂以寢崇功德其 之時也先王作樂之道因雷之收發以順陰陽之 殷威至於薦之上帝推配之以祖考殷威也薦上帝 伊川曰雷者陽氣奮發陰陽相薄而成聲也陽始閉 白雲曰先人曰帝者生物之宗祖考者人之始也 配祖考盛之至也 以配馬雍曰雷出地奮夏之二月天地萬物說豫

釭

初六鳴豫凶象目初六鳴豫志窮凶也 帝以配祖考而已周公郊祀后稷以配天宗祀文王 雷氏曰樂非徒作以崇德也堯章舜韶湯作大濩武 春稀秋當此言夏商之時也 於明堂以配上帝是也孝經日孝莫大於嚴父嚴父 所以稀有樂而嘗无樂也故祭義曰君子合諸天道 作大武是也作樂崇德非以娱已也殷盛以薦之卜 學易比上徑 ニャヒ

六二介于石不終日貞吉象曰不終日貞吉以中正 鉝 定匹庫全書 梅養日卦之得名本為和樂然卦辭為泉樂之義文 辭除九四與卦同外皆為自樂所以有吉凶之異 伊川日逸豫之道放則失正故豫之諸交多不得正 主必无私應小人之理且鳴而求謙者志猶未可得 况鳴而求豫乎志窮凶者窮其求豫之志則凶也集 之親舊有肩諂笑以求豫者也四以一陽爲致豫之 以陈柔居下上應於四是不中正之小人恃九四

守其介如石其去之速不俟終日故貞正而吉也處 節介如石之堅也介于石其介如石也人之於豫樂 豫不可安且久也久則消矣如二可謂見幾而作者 象當豫之時獨能以中正自守可謂特立之操是以 乎君子上交不諂下交不瀆其知幾乎幾者動之微 也夫子因二之見幾而極言知幾之道日知幾其神 才與時合也唯六二一爻處中正又无應為自守之 心說之故遲遲遂至於耽惡不能已也二以中正自 以子の巴二原

吉之先見者也君子見幾而作不俟終日易日介于 過則為諂交於下以和易故過則為賣君子見於幾 微故不至於過也所謂幾者始動之微也吉凶之端 知幾也不知幾則至於過而不已交於上以恭巽故 神妙矣乎君子上交不至於諂下交不至於瀆者蓋 知微知彰知柔知剛萬夫之望夫見事之幾微者其 石不終日貞吉介如石馬寧用終日斷可識矣君子 可先見而未著者也獨言吉者見之於先豈復至有

新定四庫全書 T

萬夫之望介即分别界限之意謂守其分也猶孟子 堅則不惡而明見幾而動宣俟終日也斷别也其判 彰矣見柔則知剛矣知幾如是衆所仰也故替之曰 石之象君子見幾知豫之不可近去之惟恐不速何 而六二獨以中正自守澹然不以動其心故有介如 别可見矣微與彰柔與剛相對者也君子見微則知 凶也君子明哲見事之幾微故能其介如石其守既 云不以三公易其介劉氏曰豫之時上下皆趨於豫 學易記上徑 三十九

六三时豫悔遲有悔象曰时豫有悔位不當也 Ĺ 定匹居在書 医 待然日不終日者一卦未終之象也貞吉者居中守 遲疑有待非不終日者也視而說之者失於不立遲 **盱遲有失也夫睢廣時視上而說之非介如石者也** 白雲曰處豫之道戒在於不能自立而優柔无斷是 正不溺於豫吉其宜矣古人言不能入者壁之以水 以剔致必至於凶故六二以介如石為得而六三以 石石者外物之不能入者也 悉二 10

行世 九四由豫大有得勿疑朋盍簪象曰由豫大有得志大 龜山曰四以一陽為順動之主剛應而志行天下由 道馬介然不動以守之斷然不疑以行之唯此見六 疑有待者失於无斷皆為有悔之道欲无悔者无他 伊川日簪聚也簪之名取聚髮也 二之貞可謂能行者也

九足日事 公書

之而豫故大有得也處多懼之地承柔弱之君而任

與子易記上經

1

誠而不動者未之有也故曰勿疑朋盍簪言誠而不 耿氏曰九四為震之主以象言之萬物莫不由雷以 朋盖簪之謂也使周公懷自疑之心以畏艱大之言 也唯周公以身任之而不疑故民獻有十夫子翼此 天下之責危疑之時也唯至誠為能通天下之志至 已而聽馬上則成王未悟下則羣叔流言危疑之甚 以考異不可征則亂无日矣其能成寧考圖功哉 則其類自合矣方成王幼沖周公爲冢军百官總

己业 於包日車公告 1 六五貞疾恒不死象曰六五貞疾乗剛也恒不死中未 功者也 髮以安其冠若自疑則衆斯联矣未聞以疑事而有 誠齊曰六五以柔弱之資居逸豫之時耽宴安之耽 所以疾也有九四剛正之臣以正之所以貞也一 有得而勿疑則乃能協衆力以安其上猶簪之總衆 學易記上經 10+1

豫以文言之五阵莫不由陽以豫是以大有得也

而復 故孝經曰天子有諍臣七人雖无道不失其天下中 者國常已然則君雖失道有忠臣以正之者常不亡 雷氏曰孟子曰出則无敵國外患入則无法家拂士 未亡九四之力已不少矣自正者挺而速見正者揉 安帝有楊震楊震不能使之為光武正而不死中而 全人何也弱也元帝有望之望之不能使之爲孝宣

君而國定然其效止於恒疾而不死終不能去疾為

上六冥豫成有渝无咎象曰冥豫在上何可長也 童溪曰程子曰聖人發此義所以勸遷善也故更不 器僅存之說者恐後世居主妄殺大臣也劉佚菴曰 女宗之不逐韓休其是之謂歟張中庸不取潘氏虚 未亡者中猶降東之東言六五降東之性未盡亡也 子當速渝也若能渝發則可以无咎 伊川曰在豫之終。昼冥已成災咎行及実其可長然 既是番主必不讀易僕安張說 生の巴三型 9+1

言冥之凶專言渝之无咎或曰聖人於初六鳴豫則 逆知其志之窮於上六之象則又諭之以何可長也 繼之以凶於上六冥豫則開之以无咎初六之象則 将然也禁之導之始之終之聖人之心所以无負於 然也然者所以開其善也善而開之所以導天下於 盖初者所以遏其惡也惡而遏之所以禁天下之未 天下後世也 試齊日知逸豫之不可長幡然而能變安知逸豫之

飲定四庫全書

隨元亨利貞无咎 宣得无咎 主不為憂勤之主乎能發則為太甲為齊桓不變者 隨有大亨之道以其動而說也動而雖說苟不以正 伊川曰為卦允上震下允為說震為動動而說皆隨 之義女隨人者也以少女從長男隨之義也 則漢成帝唐明皇大則夏太康唐莊宗 學易記上經 19

時隨時之義大矣哉 **录曰隨剛來而下柔動而說隨大亨貞无咎而天下隨** 乾之九來居坤之下坤之六往居乾之上以陽剛來 得正則非可隨之道豈能使天下隨之乎天下所隨 隨也又下動而上說動而可說也所以隨也如是則 伊川日卦之所以為隨以剛來而下柔動而說也謂 可大亨而得正能大亨而得正則為无咎不能亨不 下於陰柔是以上下下以貴下賤能如是物之所訪

萬物隨之以生允西方之卦也萬物隨之以成其出 白雲曰先人言隨不止於人道而言震東方之卦也 其義之大玩而識之也又曰尋常人言隨時為且和 變不可為典要非造道之深知幾能權者不能與於 者時也故云天下隨時君子之道隨時而動從宜適 同只是流徇耳不可謂和和則已是和於義 此也故赞之曰隨時之義大矣哉凡贊之者欲人知 人也孰不隨之故春生之夏長之秋成之冬藏之隨 四十四

髰 疔 事而擇所隨皆隨也雍曰天下之理不動則无所 蟲魚草木无不有隨不能以言盡要其歸則隨時 地萬物之隨乎蓋道與時會則聖人隨之易地皆 也聖人東作西成亦隨也伊川曰凡人君之從善臣 下之奉命學者之徙義衆人之隨已已之隨人與臨 不統則不能隨然隨之道大而天地小而人民細而 至於堯舜隨於揖遜湯武隨於征伐伊周隨於致 孟隨於設教以聖人之隨其不同已如此況

象曰澤中有雷隨君子以嚮晦入宴息 之時也 雷氏曰雷發聲於震收聲於充澤中有雷收聲於充 義大矣哉 也是以聖人所任者道而不能違者時故曰隨時之 日夫君子一動一静至於宴息猶有隨馬大者可知 白雲曰伊川曰禮畫不居內夜不居外亦隨時也雍]比蓋因其小者足以見隨之大不然君子之道宴 學易記上經 四十五

出門交有功不失也 初九官有渝貞吉出門交有功象曰官有渝從正吉也 息而已平 常人之情愛之則見其是惡之則見其非故妻孥之 故曰官有渝將發其守不可陷於邪也故曰貞吉隨 温公曰官者所守之常也處隨之初将變其守者也 伊川日出門謂非私暱交不以私故其隨當而有功 不失時變不失正由斯術也何往而无功哉

六二係小子失丈夫象曰係小子弗兼與也 谷大矣二有中正之德非必至如是也在隨之時當 與物接也擇善而從无所偏係也 是失丈夫也係小子而失丈夫舍正應而從不正其 之戒云若係小子則失丈夫也初陽在下小子也五 言雖失而多從所憎之言雖善而爲惡也出門交謂 正應在上丈夫也二若志係於初則失九五之正應 伊川曰二應五而比初隨先於近柔不能固守故為 學易記上經

六三係丈夫失小子隨有求得利居貞象日係丈夫志 為之戒也人之所隨得正則遠邪從非則失是无兩 從之理二的係初則失五矣弗能兼與也所以戒人 居下者小子也三雖與初同體而切近於四故係於 從正當專一也 四也大抵陰柔不能自立常親係於所近者上係於 伊川曰丈夫九四也小子初也陽之在上者丈夫也

新定匹库全主

たこう 理枉道以隨於上苟取愛悅以遂所求如此乃小人 誠齊曰求道得道求仁得仁孰能禦之貞者求在我 之是得所求也又凡所求者可得也雖然固不可非 邪韵超利之為也故云利居貞 È A1 A15 學易記上經 四十七

親善故三之隨四有求必得也人之隨於上而上

如暗之隨明事之從善上隨也肯是從非舍明逐暗

下隨也四亦无應无隨之者也近得三之隨必與之

四故下失於初舍初從上得隨之宜也上隨則善也

義凶也有字在道明功也 四随有獲貞凶有孚在道以明何咎象曰隨有獲其 者也陳相舍陳良而從許行六二以之夷子舍墨氏 危疑之道也居此地者奈何唯字誠積於中動為合 伊川曰九四以陽剛之才處臣位之極而天下之 而見孟子六三以之 伊尹周公孔明是也位極而无逼上之嫌勢重而不 於道以明哲處之復何過各之有古之人有行之者

龜山曰九四震充之交動而說也動而說而天下隨 **各蓋明哲之功也** 獲蓋以得人之隨為獲也夫尊近之臣勢疑於君又 儀威震主而主不疑亦由中有字誠而處无甚失也 居近君之位而有獲其義固凶能有孚而在道則无 白雲曰六三隨有求得蓋隨人而有得者九四隨有 之隨有獲也

年易己一匹

平八

專強之過非聖人大賢則不能也其次如唐之郭子

九五孚于嘉吉象曰孚于嘉吉位正中也 義山者非九四誠有是山也若貞固守之其義有得 於天下足以使天地人鬼萬世无疑馬斯无咎矣其 獲天下之隨守此為貞凶矣是必有至誠之道大明 隨善而已下應二之中正為隨善之義 其吉可知嘉善也自人君至於庶人隨道之吉唯在 凶之理也明功者有孚在道明隨之功也 伊川曰九五居等得正而中實是其中誠在於隨善

卸定匹庫全書

窮也 上六拘係之乃從維之王用亨于西山象曰拘係之上 之蓋言不得不隨也為之主者乃從而以道維之古 雷氏日子于嘉書所謂允元也 上六處隨之極盡動而說隨之義民之隨之如拘係 說隨之義故與王業于西山 之去豳也勢亦窮矣勢窮而人益隨之所以見動而 以禮義廉恥謂之四維是乃維民之道也昔太王 學易記上經 四十九

蠱元亨利涉大川先甲三日後甲三日 其情也 治理自然也如卦之才以治盡則能致元事也盡之 之義左氏傳云風落山女惡男以長女下於少男亂 伊川曰蠱之義壞亂也在文為蟲四四之有蟲蠱壞 伊川曰既蠱則有復治之理自古治必因亂亂則開 大者濟時之艱難險阻也故利涉大川甲者數之首

卷二

善備則後利可久此古之聖王所以新天下而垂後 事近故勞於救亂而亂不革功未及成而弊已生矣 世也後之治蠱者不明聖人先甲後甲之誠慮淺而 其所以然也後甲謂後於此慮其將然也一日二日 事之始辰之甲乙是也治蠱之道當思慮其先後三 之之道慮其將然則知備之之方善救則前弊可革 至於三日言慮之深推之遠也究其所以然則知救 日蓋推原先後為数弊可久之道先甲謂先於此究

- 4 to

學易記上經

變也自甲至於戊己春夏生物之氣已備庚者秋冬, 舉其首也發號施令之事則云原庚猶更也有所更 寧之意以監前事之失而不使至於速壞聖人之深 晦苍曰甲日之始事之端也先甲三日卒也後甲三 成物之氣也故有所革 而不使至於大壞後事方始而尚新然更當致其下 甲者事之首康者變更之首制作政教之類則云甲 日丁也前事過中而将壞則可自新以為後事之

彖曰蟲剛上而柔下巽而止蟲蟲元亨而天下治也利 涉大川往有事也先甲三日後甲三日終則有始天行 象而盡言其易於有為也 白雲曰易言利涉大川非剛健之才則虛中有濟之 **蠱剛上而柔下謂在上者剛在下者柔剛柔不交所** 以致蠱壞也巽而止盡言治蠱之道也民止於上巽 學易記上亞 きて

戒也

夫四有蟲蠹則為器之盡身安宴為則為人之盡朝 之馬則國可治天下可平故曰盡元亨而天下治也 之九五亦曰王假有家為天下之倡莫先於一家居 家王者雖曰有天下自其本觀之亦家而已故家人 孰非事而獨舉父子何哉天下之本在國國之本在 順於下无為而尊於上者父之道服勞而順於下者 子之道故在文多言子幹父事雖然由朝廷至問里 家之責者莫重於子能盡子道則家齊矣由是而

象曰山下有風蠱君子以振民育德 盡言元亨而天下治皆先甲後甲之常也集南軒 患幹之无其人耳在卦五以柔中居尊倚任九二剛 中之臣利涉大川往有事者九二之任也先甲後甲 幹事之象也故聖人於盡弊之時未嘗憂其不治特 山下有風振物之象也盡之時民德敗矣敗而育之 則天行終始之道循環然耳易於泰然言其命亂於 有小人則為天下之盡凡盡則不可不治盡所以有 學易記上經 五十二

承考也 初六幹父之盡有子考无咎属然古象日幹父之盡意 當家道幹壞之初故六雖柔弱之才亦能幹馬能幹 庶可補也属惕厲也孟子所謂操心危慮患深之意 父之盡則為有子矣有子則考乃无咎謂前人之過 之也振民風象有德山象集節氏 必振動之使離其故習可也猶風之撓物適所以養 治盡非創始之事非若屯難之難濟否塞之難傾也

九二幹母之盡不可貞象日幹母之盡得中道也 若伸已剛陽之道遽然矯拂則傷思所害大矣亦安 陽剛之臣輔柔弱之君義亦相近二異體而處柔順 義為多幹母之盡之道也以婦人言之則陰柔可知 下而幹夫在上陰柔之事也故取子幹母盡為義以 伊川曰九二以剛陽爲六五所應是以剛陽之才在 de dis 學易記上經

也能如是然乃獲吉意承考者善繼父之志也命要取

能入乎在乎屈已下意巽順将承使之身正事治而 盡誠竭忠致之於中道則可矣又安能使之大有為 中道也又安能使之為甚高之事乎若於柔弱之君 義黃亮舜之事二異體而得中是能異順而得中道 之為成王而已守成不失道則可矣固不能使之為 已故曰不可貞謂不可貞固盡其剛直之道如是乃 合不可貞之義得幹母盡之道也 子且以周公之聖輔成王成王非甚柔弱也然能使

六四裕父之盡往見各象日裕父之盡往未得也 九三幹父之盡小有悔无大咎象曰幹父之盡終无咎 定日東全書 九三剛而過中雖克幹其事不无小小之悔有小悔 也然而以陰履正故但少能寬裕其父之事耳夫承 之質承其盡壞之後无剛明果決之才不能幹家事 胡氏曰夫父以柔懦以至蠱壞其家而四又以柔弱 巴非善事親也然異體得正故能終无大各節 學易比上經 平四

六五幹父之盡用譽象日幹父用譽承以德也 上九不事王侯高尚其事象曰不事王侯志可則也 輔之以剛中之德也 伊川曰上九以剛明之才无應援而處无事之地是 伊川日幹父之蠱而用有令譽者以其在下之賢承 也初亦陰柔而能幹者居壞敗之始也治家之法當

盡壞之後而以柔弱之質將有往必見悔各无所成

於包司軍金書 誠齊曰上九之不事王侯非志也時也志在我時在 賢人君子不偶於時而高潔自守不累於世務者也 故曰不以我違天雖然献畝不忘君江湖存魏闕志 則止時也不事王侯非以為高尚人也高尚其事也 天君子不以我違天亦不以天喪我舍之則藏不可 也曷常去於心乎故曰不以天喪我此其事雖外為 天下之所高而其志實為天下之可法 學易記上經 五五五

臨元亨利貞至于八月有凶 白雲曰臨以大臨小上臨下為義序卦曰臨者大也 聖人為戒必於方威之時方盛而處衰則可以防其 正也二陽方長於下陽道總盛之時聖人豫為之戒 伊川曰元亨利貞以卦才言也如卦之才則大亨而 淌極而圖其永久若既衰而後戒亦无及矣自古天 盖臨為大而所臨者小故也 日陽雖方盛至于八月則其道消矣是有凶也大率

禍亂則釁孽萌是以浸淫不知亂之至也 遯臨之反也有臨之大亨是以知遯之有凶也有凶 論人道則稱月從其類也 於臨言月於復言日者日月皆一也論天道則稱日 白雲曰自一陽生而為復長而爲臨凡八變而得遯 不必凶至盖有凶之理也與隨有獲其義凶同意易 學易記上經 五十六

而不知戒故扭安富則驕侈生樂舒肆則綱紀壞忘

下安治未有久而不亂者盖不能戒於盛也方其盛

新定匹庫全書 **彖曰臨剛浸而長說而順剛中而應大亨以正天之道** 也至于八月有凶消不久也 至逃凡八月自建子至建未也二陰長而陽消矣 亨而得正也八月謂陽生之八月陽始生於復自復 息者剛正和順而已以此臨人臨事臨天下莫不大 合天之道也剛正而和順天之道化育之功所以 說而順也剛得中道而有應助是以能大事而得! 伊川曰浸漸也二陽長於下而漸進也下光上坤和

象曰澤上有地臨君子以教思无窮容保民无疆 初九咸臨貞吉象曰咸臨貞吉志行正也 澤上之地岸也岸高於澤而俯臨之有含容止畜之 臣之臨民臨事與夫君之臨天下均臨也幼而學壮 也教之无窮者允也容之无疆者坤也縣簽語 泉君子體之臨於民則有教導之意教思无窮至誠 无数也容保民无疆謂含容安集之意廣大无疆限 學易記上經

云消不久也


九二咸臨吉无不利象曰咸臨吉无不利未順命也 者已然如是故古也无不利者將然於所施為无所 感應是以正道為當位者所信任而有臨也初之與 交之親故見信任得行其志所臨吉而无不利也吉 伊川曰二方陽長而漸盛感動於六五中順之君其 之正道耳故曰志行正也以正應正故曰貞吉 而行人豈不欲有臨哉四近君之臣初得正位與之 四相感非苟求見知期於進達也其志在行其所學

新定匹库全意

然實不殊也九二與五感應以臨下盖以剛德之長 未也又云仲子所食之栗伯夷之所樹與抑亦盗跖 不利五順體而二說體又陰陽相應故象特明其非 而又得中至誠相感非由順上之命也是以吉而无 之所樹歟是未可知也史記侯嬴曰人固未易知古 不利也朱者非處之群孟子或問勸齊伐燕有諸曰 用字之意皆如此令人大率用對已字故意似異 學易記上世 五十八

憂之咎不長也 當位也夫位者人之所欲六三雖甘說此位亦安足 六三以陈柔不中不正之才而居二陽之上是處不 避賢者之路如是則過咎不長也 三甘臨无攸利既憂之无咎象曰甘臨位不當也既 白雲日未順者有獻可替否之義非以順命而後利 以有臨乎故曰无攸利既能知而憂之強勉自改退

六四至臨无咎象曰至臨无咎位當也 六五知智臨大君之宜吉象曰大君之宜行中之謂也 陽之初處近君之位守正而任賢以親臨於下是以 伊川曰四居上之下與下體相比是切臨於下臨之 至也臨道尚近故以比為至四居正位而下應於剛 无咎所處當也 知臨謂知大君所以臨御天下之道也臨御之道奈 用九二剛中之賢立大中之道使天下得以共行 學力尼上至



觀盤而不薦有字顒若 盡其至誠弱然膽仰之矣盟謂祭祀之始盟手酌鬱 皆如字 當如宗廟之祭始盟之時不可如既薦之後則下民 表儀必極其莊哉則下觀仰而化也故為天下之朝 伊川日予聞之胡翼之先生曰君子居上為天下之 如樓觀謂之觀者為觀於下也觀去聲示也不音者 學易記上經 六十

伊川曰凡觀視於物則為觀罪為觀於下則為觀奉

家曰大觀好在上順而巽中正以觀好天下觀好盟而 色於地求神之時也薦謂獻腥獻熟之時也盟者事 數繁縟則人心散而精一不若始盟之時矣居上者 之始人心方盡其精誠嚴肅之至也至既薦之後禮 然瞻仰之矣颙仰望也 正表儀以為下民之觀當莊敬如始盟之初勿使誠 意少散如既薦之後則天下之人莫不盡其孚誠願 注故孔子曰禘自既灌而往者吾不欲觀之矣

聖人以神道設教而天下服矣 不薦有孚颙若下觀而化也觀天之神道而四時不心 是之謂神道神道之謂大觀且觀之天則大亦无所 於四體有不可揜者馬觀之者至於不期化而自化 白雲曰大觀在上以異順之德居中正之位初未當 化故知四時不成是謂天之神道由人言之亦曰天 示也特四時不忒而已因四時不忒而萬物自生自 有心於示人也其誠明之者時然見於面益於背施 學易記上經

雷氏曰順者以順動也異者以風教入於人心非威 立而民取正人君以此而示天下天下觀而化之 教可也帝堯之則天孔子之欲无言皆是道也 曰設教者天无教聖人主教雖以不教教之亦曰設 之大觀也聖人大觀其道同天則下觀而化也宜矣 四時行馬百物生馬莫非自然此天之神道也聖人 以率之也中者如極之建而民取中正者如表之 而中正者九五也陰陽不測之謂神天

鈁

象曰風行地上觀去先王以省方觀民設教 初六童觀小人无咎君子各象日初六童觀小人道也 奢則約之以儉儉則示之以禮是也省方觀民也設 伊川日風行地上周及庶物為遊歷周覽之象故 王體之為省方之禮以觀視民俗而沒為政教也如 不知所以然而心自服也 學易記上經

觀天之神道以設教不怒而威不言而信天下之民

伊川曰六以陰柔之質居遠於陽是其觀見者淺近 如童稚然故日童觀陽剛中正在上聖賢之君也近 鄙吝也所觀不明如童稚乃小人之分故曰小人 之道乃常分也不足謂之過咎若君子而如是則可 如童家之觀也小人下民也所見唇淺不能識君子 一閱觀利女貞象日閱觀女貞亦可聽也 則見其道德之盛所觀深遠初乃遠之所見不明 卷二 尺 己 日 与 A A A A 醜也 僅能闚覘其彷彿雖能順從乃同女子之貞亦可羞 觀雖少見而不能甚明也二既不能明見剛陽中正 **陰暗柔弱所能觀見也故但如闚硯之觀耳闚硯之** 注六二所見者狹故曰閱觀猶有應馬不爲全蒙 者女子之道也君子不能觀見剛陽中正之大道而 之道則利如女子之貞雖見之不能甚明而能順 伊川曰二應於五觀於五也五陽剛中正之道非 學易記上經 六十三

為女子之正是亦可配也 廟之美室家之好非二之所能見也閱觀而已夫視 也觀我道之可進而進可退而退則爲不失進退之 白雲曰六三順而應上可以進也柔不當位可以退 伊川日觀我生謂動作施爲出於己者 不出閨門之内寫女子之正則利矣居大觀之時而 一觀我生進退象日觀我生進退未失道也

龜山曰太觀在上而二以陰柔在下卦之内五之宗

钦定內事全書 事也若夫聖人仕止久速唯其可而已何必量已哉 六三九五皆曰觀我生辭同而德里六三察已以從 也未可以進而進是未能標刀而製錦也此亦學者 也我之才德可以進而不進是使赤子不得乳其母 退不失其道其惟觀我生乎生出也才德自我出者 誠齊日必進忘其身必退忘其君皆失其道也欲進 人九五察人以修己 學易記上經 李四


、四觀國之光利用實于王象日觀國之光尚質也 體異故有樂善忘勢尚賢之象尚實者尚賢也四切 其智力上輔其、君以施澤於天下故云利用實于王 雷氏曰子使漆雕開仕曰吾斯之未能信其是之謂 也夫聖明在上則懷抱才德之人固宜仕於王朝効 近之觀見其道故云觀國之光觀見國之盛德光輝 九五剛明中正居尊履帝位而不疚光明者也而又


灾足日事公告 九五觀我生君子无谷象日觀我生觀民也 已而已觀已之生若天下之俗皆君子矣則是已之 伊川日九五居人君之位時之治亂俗之美惡係平 古者賢有德之人則人君賓禮之故士之進仕於王 朝則謂之實忠臣嘉實賢有德之稱也文言利用實 而往也久怨失時象恐輕進聖人之心可謂委曲丁 于王而象言尚賓者夫子恐人貪國之光不待禮至 學易記上經 六十五


上九觀其生君子无咎象日觀其生志未平也 生九五之君六四之臣皆在所觀也昔武王既已革 漢上曰中庸曰君子之道本諸身徵諸庶民 所為政化善也乃无咎矣我生出於己者王輔嗣云 子之童闕又无進退之疑无實王之利者也故觀其 上九道之已成處觀之極不當其任者非若小人女 觀民以祭己之道是也 命天下歸心四方英賢雲集輻凑放牛歸馬垂拱五


爲盛德光輝爛然可覩所謂童鬩之觀者可勝言哉 伯夷百世之師也聖之清者也所謂君子无咎者也 是以後世風俗奔競委靡不振去道日遠美孟子稱 者何哉蓋觀其武王之革命羣賢之超時赴功若有 用實于王者為不少矣然伯夷守節甘采薇於首陽 功觀其國之光華為急而不知趨時之弊又有甚馬 其志未能平也與夫觀之時天下既定人知趨時赴 不足者馬遂作歌曰神農虞夏忽馬殁兮我安適歸 學易記上經 六十六


皆陰柔奉命之臣國之盛德光輝爭先覩之為快 應援而處无事之地是賢人君子負經濟之才不偶 之臣為之應足以幹蠱而用譽上九以剛明之才无 或曰以此為說通則通矣與蠱之上九无乃相類乎 曰不然蠱之時天下方弊六五以柔居尊下有陽剛 志有所未平也觀之時天下既定九五以剛居尊下 於時不見知於當世之君者也非遇其時不出也非 以剛明之才處一卦之上觀其時之所尚懼後世











腾銀貢生臣張映杓校對官檢討臣王鍾健覆校官編修臣查 莹